

玄宗正旨序

孚佑帝君序曰九天鸞鶴下重霄瑤管初吹引鳳簫一片瓊英
霏滿徑陽開泰運地天交道人濟度之心與日俱深但願自歷
劫以來含生之類皆明本性方能了吾誓願所苦世人迷失本
真難歸覺路其入吾門者亦多始勤終怠廢於半途一二深信
之士不得大慧終落小乘是以籲請

浮邱仙祖施無量慈悲開無邊方便宣闡玄宗透明祕旨爲第
一壇中無上寶訓使聞之者增無限津梁並爲夢因廣一番覺
證慶幸曷窮當思參悟玄之義無可名玄之妙實可証心與性
合性與天合天命流行真空無著大暢玄風慧根勃發由此通
道藏輯要
玄宗正旨
一
斗集四
川文
神由此合妙由此忘神由此了空大道之傳豈有遺蘊要知入
手之初不外一心修心之道不外一靜開宗已揭明大旨學子
果知所從事焉天仙階級步步可尋雖一言一字皆勿以易而
讀之也